

EPITHALAMIA

IN HONOREM
ORNATISSIMI ATQVE
DOCTISSIMI VIRI,

Dn. M. CASPARI MASCI,

Illustrissimo Principi ac Domino, Dn.

FRANCISCO, Duci Saxoniae, Angariae & Westphaliae à secretis in regione Hadleria

S P O N S I:

ET

Honestissimae ac pudicissimae Virginis

MARGARITAE,

Ornatissimi et integerrimi viri, Domini

VITI STRUBII quondam civis

Lipsici relictae filiae SPONSAE:

Nuptias ritu Christiano Lipsiae die 24. Maij

Anni XCVI. celebrantibus,

Nuncupata ab Amicis.

274

L I P S I A E,

Excudebat ABRAHAM LAMBERG.

Anno M. D. XCVI.



IN HONORE
SACRAMENTUM

IN HONORE
SACRAMENTUM

IN HONORE
SACRAMENTUM

IN HONORE
SACRAMENTUM



M.
T
Equia in
Torus
Nectu
Ne m
Nolice bi
Nec t
Hac ga de
Ind cl
Nub
Nub
Bergetia
Et ha
Nobet A
lupi en
Estuat
Infl m
Hos int r
Urga
Falciger ob
Irria

77
M. CASPARI MASCO
- ET MARGARITÆ STRVBIÆ

νεογᾶμοις.



Aspar Adrastia Themidisq; serena vo-
luptas,

Pars & Apollineo nō reuenda choro:

Ecquid in hanc cogit tibi cor iuuenile catastram,

Totus ut admissi seruus amoris eas?

Nec tua vicinis tellus Hadelonia nymphis,

Nec mare veliuolis pectora vertit aquis?

Scilicet hinc fato fieri connubia discas,

Nec temerè solui, quæ Deus ipse ligat.

Hac gaudere via tutum, sed maxima laus est,

Indeclinato continuare gradu.

Si quibus ergo tui constantia sordet amoris,

Numinis hos inopes mentis & esse reor.

Perge vias porro monstrant tibi fata secundas,

Et thalami præsto sunt rata signa boni.

Ridet Agenorei repetitus vertice Tauri

Iupiter, inceptis & fauet inde tuis.

Æstuat ardentis tergo Cithereia cancri,

Inflamat radijs cordaq; vestra suis.

Hos inter geminas vibrat Caducifer alas,

Urgeat ut tanti nuncia grata boni.

Falciger obliquis ea despicit inuidus hircus,

Irrita sed vanus fulminat irā minus.

A 2

Mitti,

Mittimus astrologos, ipsis Deus imperat astris,
Electis faueant ut sine fraude suis.
Quo vult, ipse trahit, quæ fecit, sidera nutu,
Illius eneruant astra nec ulla manus.
Votaq̃ sunt aries, qui cornibus ardua sternit,
Et cæli geminas pandit utrinq̃ fores.
Huc ades, hæc pulset convexum machina cælum,
Latus et optatis Sponse fruere tuis.
Nunc Erycina vale, valeantq̃ Cupidinis artes,
Suppetit ut vestra non egeamus ope.
Iupiter esto procul, qui nos inuet, æthere Christi
Est Pater, omnipotens nomine req̃ Deus.
Is primus thalami castos sanciuit amores,
Cum modò factus homo, cum sine labe foret.
Dulcia connubij monstrauit gaudia Christus,
Prima nouis Sponsis Spiritus arrha fuit.
Has pater ergo Deus, sancti Spiraminis æstu,
Et nati fretus nomine, fundo preces:
Cernis anhelantes utrinq̃ in fœdera mentes,
Fœdera consilio primitus orta tuo.
Ergo precum parili quod dexteritate requirunt,
Fac thalami fausto luceat igne focus.
Æqua inuet Sponsus, nunquam subscribat iniquus.
Qualia mundus amat, sed fugis usq̃ Deus.
Te colat ex animo, tibi vendicet omnia soli,
Intima qui legum pandere sacra potes.

Quis

Qui sine respectu, quo par est, iure coherces
 Singula, quo fuerint summa vel in malo loco.
 Sic immota virum ventura gloria vita,
 Orbe sed hoc etiam fama sequetur anus.
 Insuper et mixto cum Sponsa sanguine prolem
 Conscribat socij spem preciumq; thori.
 Christus et hos omnes tandem transcribat Olympo
 Heredes regni post nigra fata sui.
 Hac fortunato si fulgeat alea Sponso,
 Non infelici nomine CASPA Rerit.
 MARGARI nunc etiam tecum suspiria iungam,
 Tela sit ut voti densior hisce tui.
 Cor recrees utinam lectissimus unio Sponsi,
 Unica sed verbum sit tibi gemma Dei.
 Unio sis tecti, sis lychnis et unio lecti,
 Fæcundus gremij fertilitate sui.
 Unio sis sobolus, soli quò dedita Christo,
 Nil præter regnum spectet ametq; Dei.
 Unio curarum condimentumq; laborum
 Coniugis alleuies corda grauata tui.
 Unio fæminei sis et noua gloria cætus,
 Ut decus hunc inter nobile semper eas.
 Unio sis Christo superas rediuuis in auras,
 Cum tuba supremo concinet alta die.
 Tunc quas quisq; sibi gemmas collegerit orbe,
 Ultima non dubijs proferet hora notis.

A 3 Impi-

*Impiger hunc utinam festinet Lucifer ortum,
Fraudis ut existat perfidiaq; modus.
Hac ego sub mundi delirascantis agone,
Sed fati nunquam non memor, opto, mei.
Viueret vos cupio, me tramite Parca beato
Expediat, lucrum sic mihi funus erit.*

Ad diem nuptiarum Maij vet. X X I V. (qui
Regifugio altero, Plinijq; secundi iuxta
quosdam interitu, Romanis: Timoleontis
verò natali, & reportata ex Atheniensibus
victoria, Syracusanis: Othonis porrò III.
coronatione, Germanis: Omnibus deniq;
Christianis, Spiritus S. in Apostolos effu-
sione memorabilis existimatur) M. Iohan-
nes Vogelius Dresd. Ecclesiæ Zittauiensis,
in superiori Lusatia Pastor, amoris & be-
neuolentiæ ergò F.

*AD DN. M. CASPAREM MASCVM
SPONSVM.*

A Mice Caspar intime,
Medulla fidi pectoris,
Quem cognitum sat diligo,
Dum sospes aura perfruor:
Quod me tuas ad nuptias
Blandis vocare literis
Dignatus es, perquam mihi
Gratum fuit. Precor tibi
Tuæq; Sponsæ gaudium

Plus

Plus mille dulce basijs.
Absens licet sim corpore,
Votis habebis proximum,
Certare qui tecum Dei
Conetur in præsentia.
Idem focer vobis meus,
Amore candidissimo
Patruelis impiger tui,
Toto precatur pectore,
Votis Deus iunctissimis
Vtrinque felix annuat.
Vt quod rogamus, exitu
Sequatur optatissimo.
Aurata mittant pocula,
Quibus est, eritque copia,
Tu quaecumque, pauculis
Cum versibus munusculum
Aequi bonique consules,
Sic noster altis inuicem
Amor perennet flosculis,
Hic arido quos pectore
Natos, Olympi vertice
Humectet ille spiritus,
Qui cuncta solus innouat.

*M. Zacharias Posseltus Zittan. Pastor Ecclesia
Hirschfeldensis propè Zittaniam F.*

ALIVD.

A L I V D.

TV quoniam casti, castis Deus impiger ausis,
 Autor habere tori, fautor habere tori:
 Inde tuo thalamus sibi Numine firmamentum,
 Quod non exigui roboris instar, habet.
 His dives tadis succurrit copia cornu
 Diuite: ter gemino pax in honore fauet.
 Invidia facies rebus pallescit opimis:
 Optima cum Sponsis conuenienter eant.
 Contra peruerso violata Cupidinis arcu
 Pectora si vetito copula more ligat:
 Nulla viam Fortuna regit: peiora sequuntur;
 In partes veniunt ira furorq^{ue} suas.
 Saeva libido suam sentit, quia digna, ruinam:
 Sustinet exitium seua libido suum.
 Ultra pudicitiam vastavit flamma Gomorram:
 Hac etiam Sodomo causa perire fuit.
 Si Paridis dextram spreuisset filia Leda:
 Impete Graecorum libera Troia foret.
 Si thalami quondam Thysbe Babylonia fœdus
 Fecisses iusto credula Nympha modo:
 Pyramus haud proprio tentasset viscera ferro:
 Plures vixisses tu quoq^{ue} salua dies.
 Hac sponsi casta Masci sub mente recurrunt:
 Illius hinc animum, qua grauiora, mouent.

Mar-

Margaris hæc memori sub pectore Spōsa volutat:
 Illius hinc animum, quæ meliora, mouent.
 Legitima thalamum scandunt ratione: iugales
 Accendant, Christo cepta iuuante, faces.
 Margaris ob tantum latetur Sponsa maritum,
 Qui ratione valet, qui gravitate valet.
 Huic Suadela sua Romana Pelasgaq̄ dotes
 Indidit, hunc titulis vrbs Philyrea beat.
 Hinc magnis placet ille viris: sub pondere rerum
 Sudat, quæ solidæ dexteritatis egent.
 Non igitur mirum, sacra si Citherea puellam
 Huic, quæ prælustri stemmate clara, dedit.
 Quæ pietate viget, quæ non virtutis egentem
 Mentem, Lipsiacis mota pudore, gerit.
 In vobis stratas, fatus tere Sponse benignis
 Cum Sponsa (faucant Numina magna) vias,
 Necte Dei dono fædus quod soluere mortis
 Non nisi post multos vis queat alta dies.
 Optima pignoribus cumulentur pignora lecti,
 Æmula quæ matris sint referantq̄ patris.

M. Iohan, Richter.

B ALIVD.

A L I V D.

Ml frater, mea dextra, cor tenellum,
 Atq; ipsis oculis meis ocelle
 Plus dilecte mihi, quid est, quod abs te
 Tam procul voluere fata dudum
 Me sciungier? Haud enim sine illis
 Hoc factum puto. Scilicet voluptas
 Vt maior foret vtriusq;: quando
 Nos tandem nimis ô nimis remotos
 Rursus iungeret architectus orbis,
 En factum sapientis architecti
 Nutu atq; arbitrio, quod ante pridem
 Optavi: vt liceat videre coram
 Germanum mihi melle dulciorem
 Cunctis delicijs suaviorem,
 Eiusq; alloquio frui. quid? imo
 Ter promptissimus ille rex Iehoua
 Nunc me præterea tuis adesse
 Tædis efficit. Ergo lætor, atq;
 Totus gestio, nil valens nisi vna
 Gratari tibi voce versibusq;
 Atq; applaudere. Raptat huc amoris
 Constantis pius ardor, inq; fratrem
 Affectus. Merito ergo vota fundo:
 Et Deum precor: vt secundet ista,

Quæ

77
Quæ suscepta geruntur arbitrato
Ipsius: faciatq; te beatum
Cum Sponsa, nihil vt torum fatiget
Aduersi: nihil imber aut procella
Contra vnquam valeat. Bonis Iehoua,
Addat hæc etiam sui fauoris
Argumenta: videlicet perinde
Ac vitis generosa germinare
Fœtu diuite suevit: atq; late
Sese effundit: vt haud secus virescat
Hic tuus thalamus: tibiq; proles
Læta exurgat: & ordo posterorum
Hinc longus numeretur, & nepotum:
Qui nomen studeant ad astra factis
Præclaris vehere & locare cœlo.

Johan. Mascus.

A L I V D.

S Parge benigna rosas Philyreã Flora per urbẽ,
Flora pijs Sponsis sparge benigna rosas.
Ille, decus Sophiæ, decus immortale Mineruæ,
Optato thalamum Numine M A S C V S adit.
M A S C V S honore potens, titulus ac arte Magistri
Insignis, Clarij fama vigorã chori.
Hunc mea Sponsa soror sancito fœdere Sponsum
Gaudet, diuino fulta fauore, sequi.

B 2

Plana

Plana sit ad templum via saluos plana reducat:
Quas fundunt precibus pondus inesse liquet.
Legitimo siquidem dextra moderamine dextrā
Iunxerunt: dextro sidere iuncta fides.
Bruta Cupido loci nihil obtinet: intus amorem
Quem non instigat bruta cupido, fouent.
Ut pietas ambos puerili iuuat in aeuo,
Sic ea post multos continuanda dies.
Ut virtus ambos comitata est haec tenus, ambos
Sic, dum sustentat spiritus ossa, uehat.
Fortuna melior status expectetur in horas
Quae sunt grata, dies quaeq; futura ferat.
Ex paruo surgant maiora: benignius adsit
Fatum: coniugium fasq; bonumq; beent.
Alma domum seruet Themis, alma deinde fauorē,
Pax nunquam cesset multiplicare suum.
Det sobolem Lucina bonam: pia pignora lecti
Proueniant: iustum caetera Numen aget.

Zacharias Strubius Lipsensis.

E L E G I A.

Masce tibi, thalami qui fautor et auctor habe-
tur,
Masce tuo thalamo fata benigna fauent.
Fata benigna fauent Themidis tibi gloria Sponso:
Margaris ipsa sciat, quod sibi fata fauent.
Quam

Quàm bene conveniunt Sponsus ter sidere fausto
Cum Sponsa? quanto floret amore torus?
Ipse Deus vinclo vos casti stringit amoris,
A quo virtutem tædæ iugalis habet.
Quin etiam vestris vires amplexibus addit,
Vires, quæ minui non nisi morte queunt.
Sint procul à vobis mordacis prælia lingue,
Hoc neq; conjugij dissolvatur opus.
Perdidit Herculeam Veneris lascivia Sparten,
Illicitus Troia mænia fregit amor.
Non Deus est Numen, quod seu libido moretur,
Seu teneat castris dira cupido suis.
Sed quas accendit sacri spiramine Flatus,
Ventilat hæc faces auxilioq; iuvat.
Sustentatq; sui socialia iura columnis
Numinis, ut crescat prole beata domus.
Hoc opus hoc magnum, fulvo preciosius auro,
Præsidium leta noscite mente Dei.
Continuet stabilis vestrum Concordia cæptum,
Confirmet socium Paxq; Fidesq; torum.
Sic vestram longo proles beet agmine mensam,
Quæ matrem referat moribus, arte patrem.
Aurea coniugio procedant secula: Sponsus
Annos Nestoreos, Sponsaq; sospes agat.

Conscripta ab Albino Khol Zittau.

ΧΡΟΝΟΛΟΓΙΚΟΝ.

¶ VLsIt VbI MaII seX & bis nona nitentIs
¶ aX, hæC VInCLa pII ConCeLebrata torI.

Syracides cap. 26. sent. 21.

*Vt Sol mundo oriens, de Dei altissimis: Ita mu-
lieris bonæ pulcritudo in ornatu domus ipsius.*

O D A.

LVMEN vt solare suis, recurrens
Ambitu certo, radijs perurit
Totius mundi nitidum theatrum
Mente stupenda.

Quando Sol densis tenebris vicissim
Obtegit vultus, animos dolore
Afficit tristes, redeunt reducto
Gaudia Phœbo.

Omnibus gratum iubar est, molestum
Solis haud vlli, fouet & calore
Nata miranda ratione quæq;
Vbere terra.

Principis procedit ab arce summi,
Ceu nouus Sponsus thalamo recedens,
Prodit & castris, rutilis coruscans
Manè quadrigis.

Sic decus, virtusq; decora Sponsæ,
Strennuè quæ iussa viri verenda

Effi

Efficit, Fax est thalami, domusq;
Fida columna,

Fax tori, diræ tenebras procellæ
Dissipans, sortemq; leuans acerbam,
Ac fauore ornans, decoransq; Sponsi
Tempora læta.

Hanc DEVS donat sociam marito,
Inscio culpæ, Sophiâ celebri,
Hanc Ophyræo preciosiorem
Iudicat auro.

Hi plagas terræ, nitidiq; cœli
Fructibus replet thalami, domusq;
Semper illorum sine lite perstat,
Cunctaq; grata.

Talisen CASPARE tibi marita
Iungitur, vultu roseo venusta,
Quæ viro tali perhibetur omni
Tempore digna.

Ambo vos ergo DOMINVM timete,
In fide sancta, precibusq; iustis:
Ille nil vestris decies rogatus
Abneget ausis,

Composita à Valentino Khol Zittau.

F I N I S.

Faint, illegible text, likely bleed-through from the reverse side of the page.

Druck und Verlagsort

1712

aut emissa voce magna ex
piravit **ps. nr.** Et uidi ce
phi lassu e' in duo. alio me uita
deorsu. Vides aut e' in quo
exadulo stabat. ga sic clamor
expirasti ait. Ver. hic homo
di filius erat. Erat aut e' in
heres de lege aliter. Me
qs erat in. Me. Me. Me.
et maria. Me. Me. Me. Me.
yoseph. Me. Me. Me. Me.
Et cu' e' in. Me. Me. Me. Me.
eu. et misit. Me. Me. Me. Me.
miser q' h'ent. Me. Me. Me. Me.
ultra. **ex.** **E**rat
seru e' in. Me. Me. Me. Me.
erat qd e' in. Me. Me. Me. Me.
yoseph. Me. Me. Me. Me.
decurio. Me. Me. Me. Me.
decurio. Me. Me. Me. Me.
me adpysate. Me. Me. Me. Me.